

|梧^③處處愁雲黑，杜宇年年怨血紅。江上孤墳勞望眼，古碑芳草夕陽中！

①文山有六歌，見前詩。

②厓海，謂厓山；燕臺，謂燕京，並見前注。

③蒼梧，杜宇，並見前注。

梁有譽

有譽，字公實，明廣州順德人。嘉靖庚戌進士，授刑部主事，有蘭汀存稿。

匡門弔古

誰悟當年讖已真，^①汴^②杭回首總成塵。憤無勾踐^③三千士，死恨田橫^④五百人。海上乾坤春夢短，匡前風雨客愁新。貞魂若作嘯鵲去，葛嶺^⑤山頭哭萬巡。

①宋初，太祖召陳圖南問天下終始事，對曰：『一汴，二杭，三閩，四廣。』再問，則曰：『非臣所知也。』

②汴今開封，為北宋都城。③勾踐，春秋時越王，父允常為吳王所敗，勾踐敗吳雪恥，吳王夫差

復報越，困勾踐於會稽，勾踐請和，用范蠡文種十年生聚十年教訓之策，因以滅吳，橫行江淮，名震

中國。④田橫，秦時齊人。韓信既破齊，橫遂自立，漢滅項羽，橫與其徒屬五百人入海，高祖使人招

之，橫與二客詣洛陽，未至三十里，曰：『始與漢南面，今奈何北面事之！』遂自殺，二客亦自殺，餘五

百人在海中聞橫之死，亦皆自殺。⑤宋賈似道賜第葛嶺。

吳國倫

國倫，字明卿，明興國人。嘉靖進士，官至河南參政，有甌甌洞稿。

礪州弔古

一旅南巡瘴海邊，孤舟叢檝繫樓船。①從容卷土天難定，急難蒙塵地屢遷。丹鳳
②未傳行在所，黃龍③靈兆改元年。當時血戰潮痕在，常使英雄涕泫然！

①二句謂南宋之末，二王播越海濱。

②丹鳳樓以喻京師，句謂不知京師所在。

③帝昴立，有黃

龍自海中見。

旦，字而待，明南海人。嘉靖舉人，官歸州知州，有蘭皋集。

匡門弔古

羌管胡琴一曲歌，南人漸少北人多。空聞杞女齊城哭，^①不見昭王漢水過。^②寶冊有靈浮海島，^③珠襦無主寄烟蘿。^④千秋留得孤忠在，成敗休論奈爾何。

^①杞梁妻，齊杞殖妻也，殖戰死，妻無子，內外無親，乃就夫屍於城下哭之，內誠動人，道路過者，莫不揮涕，十日而城爲之崩。^②周昭王，名瑕，時王道微缺，王南巡，反濟漢，漢濱人以膠舟進，中流，膠溶

船解，王及祭公皆溺焉。

^③帝昺負詔書之寶投海死，後爲元兵所得。

^④句謂紹興六陵被發。

誤國由來一字閒，上方無劍討神姦。^①虞淵日入誰能取，滄海龍游遂不還。^②後夜蜀禽猶迸血，^③秋來湘竹總成斑。^④丹青俎豆休明事，一簇崇祠幾仞山。

^①上方謂上方劍，見前注。神姦，謂巧於作姦者。

^②虞淵，日至於虞淵，謂之黃昏。二句謂宋帝溺海

死。^③句猶杜鵑啼血。

^④湘竹，卽湘妃竹。相傳舜崩蒼梧，二妃追至，哭帝極哀，淚染於竹，故斑斑

如淚痕。

鄭國賓

國賓，字汝嘉，明蘭谿人。嘉靖進士，有臥雲堂集。

關西老將歌

少年騎馬疾如飛，長弓勁箭突重圍。萬乘曾推雙轂送，五侯揖讓平交歸。瀚海黃沙連朔漠，天山月白聞邊柝。一身轉戰三千里，陰風颯颯陣雲惡。奮臂前驅斷月支，橫行又奪胡馬騎。雕戈白日明秋漢，大漠霜高響鐵蹄。塞下人傳老都護，軍前共說長城固。豈知歲月漸蹉跎，老大逢人不相顧。射虎將軍①竟不侯，牧羝歸來空白頭。②聞說燉煌③徵猛士，關西老將淚先流。

①射虎將軍謂李廣，廣數奇，未能封侯。②句謂蘇武牧羊海上十九年，歸漢後，位不過典屬國，功

大賞小，故云空白頭。③燉煌，地名，在今甘肅。

黃謙

謙，字亨大，明莆田人。嘉靖進士，有萬玉山藏稿。

惶恐灘宋文信國被俘過此

雙淚秦庭①事忍言，南天不弔北來魂。灘聲似解孤臣意，日日奔流到海門。

①秦庭用申包胥哭秦庭事，見前注。

歸有光

有光，字熙甫，明崑山人。嘉靖進士，官至太僕寺丞，有震川先生集。

題周冕贈任別駕卷

明詩紀事：按此紀蘇州同知任環破倭事也。史稱倭患起，長吏不嫻兵革，環性慷慨，獨以身任之，即第一詩惟有使君躬擐甲，劉家港口看潮生也。朱竹垞云：任公軀瘦瘠，倭人目曰瘦官人，望而避之，即第二詩忽駕迴潮趨海道，傳呼盡避瘦官人是也。

江南列郡盡乘城，藏穴何人肯出兵。惟有使君躬擐甲，劉家港口看潮生。
東倉白晝靜城闐，煙火連天豺虎隕。忽駕迴潮趨海道，傳呼盡避瘦官人。

海上紀事詩

明詩紀事：熙甫有海上紀事詩云云。史稱倭犯太倉，環馳赴之，短兵接，身被三創，幾殆，宰夫捍環出，

死之，即義士則五之正事也。

在公血戰一生餘遺碧花嬌木塢虛義士劉平能代死吳門
①今不數專諸②

①吳門即蘇州。②專諸春秋時刺客，吳公子光謀殺王僚，伏甲窟室以享王，專諸置匕首魚腹中刺之，王僚立死，諸亦為王左右所殺。

頌任公詩

輕裝白袷日提兵，萬死甯能顧一生！
童子皆知任別駕，巍然海上作金城。

沈明臣

明臣，字嘉則，明鄞人。有豐對樓集。

凱歌

甬上耆舊集：胡宗憲行部七閩，燕將士爛柯山上，酒酣，請嘉則爲凱歌十章，其一云云。

銜枚夜度五千兵，密領軍符號令明。狹巷短兵相接處，殺人如草不聞聲。

戚繼光

繼光，字元敬，明登州衛人。善練兵，紀律極嚴。以臨陣，回顧輒斬其長子。嘉靖中以浙兵平東南倭寇，稱戚家軍。後鎮薊門，專主守禦，邊境晏然。由總兵累官太子太保，有止止堂集、紀效新書。

登盤山絕頂

柳亭詩話：戚南塘武功將略，垂諸史冊，而偶為吟咏，亦超放自如。有鄭都官（谷）羅江東（隱）筆致，鎮薊遼日，登盤山絕頂詩云云。

霜角一聲草木哀，雲頭對起石門開。朔風村酒不成醉，落葉歸鴉無數來。都使雕戈銷殺氣，未妨白髮老邊才。勒名峯上吾誰與，故李將軍①舞劍臺。

①柳亭詩話原注：故李將軍者，指唐李藥師也。

陳第

第，字季立，明連江人。初爲諸生，後上書邊帥入軍，擢至游擊將軍，有薊門塞曲、兩粵游草。

送戚都護^①歸田詩

轅門遺愛滿幽燕，不見胡塵十六年。誰把旌麾移嶺表，黃童白叟哭天邊。

^①謂戚繼光，陳曾隸戚部下。

周詩

詩，字以言，明崑山人。有靈岩山人集。

謁岳鄂王墓

將軍埋骨處，過客式英風。北伐生前烈，南枝死後忠。○山河戎馬異，涕淚古今同。悽斷封丘草，蒼蒼落照中。

○句謂精忠柏，舊在杭獄署內，清末移置岳墳，今見存。

黃鳳翔

鳳翔，字鳴周，明晉江人。隆慶初及第，官至南禮部尚書，有田亭草。

謁于少保^①祠

白登^②圍不解，六飛^③去不返。社稷幸有君，臣節惟蹇蹇。^④九鼎奠如山，邊塵淨若捲。漢皇有神靈，砉然乾樞轉。安得延陵讓，^⑤用竟呂甥^⑥款。南宮螭龍奮，^⑦自恨一死晚。蒼穹驟黓鬣，旁觀爲涕洟！嗣皇^⑧賜昭雪，廟貌寄崇巘。臣忠主亦聖，遺風百世遠。

①于少保，謂于謙也。詳見前李夢陽詩注。

②白登，山名，在山西大同縣。匈奴嘗圍漢高帝於此，七日乃解。此以喻英宗土木之變，兵敗被虜。

③六飛，謂帝王，見前注。

④蹇蹇，忠貞貌。

⑤句謂英宗代宗不能如延陵季子之讓位也。公羊傳：謁也，餘祭也，夷昧也，與季子同母者四。季子弱而才，兄弟皆愛之，同欲立之以爲君。弟兄迭爲君，而致國乎季子。季子使而亡焉。僚立，闔廬使專諸刺僚而致國乎季子。季子不受，去之延陵，終身不入吳國。

⑥呂甥，見前謝枋得詩注。

⑦句謂英宗復辟，

二 兼史記。 ⑧ 公台寺公兼有力士嬰，益備攻，高彞待，攻益忠肅。

李之世

之世，字長慶，明新會人。萬歷舉人，官池州推官，有南歸稿、雪航草等集。

厓山弔古

汴杭回首卽荒濱，三徙逢厓①事竟真。天地有靈應一涕，風波垂死泣孤臣！何來赤手堪扶國，卽去黃冠②亦誤身。還是中華千古地，長風吹雨洗腥塵。

①三徙逢厓，卽陳圖南所謂一汴，二杭，三閩，四廣。謂三徙到廣東厓山也。②黃冠謂文山，見前潘音詩注。

方孔炤

孔炤，字潛夫，明桐城人。萬歷進士，崇禎初以右副都御史巡撫湖廣，北京陷，歸隱十餘年卒，有中丞集。

井中鐵崇禎末吳門浚井得鄭所南書①

連江②鐵函書似漆，吳門浚井一日出。沈埋一十三萬日，羣鬼嘶叫風雨溢。男兒之血本不死，蛟龍盤護千年紙。鬢栗③場中羽變徵，咸淳④淚激三江底。淚無端，江且乾，防江不難防心難，丸泥難塞圓通關，天使井水澆人間。至今首陽麓，不生周草木，此語歌之古今哭。

①所南見前，書謂鐵函心史。②連江，地名，在今福建。所南，連江透鄉人。③鬢栗，吹器，狀類胡笳，

軍中吹之以為號也。④咸淳，宋慶宗年號。

袁崇煥

崇煥，字元素，明東莞人。萬歷進士，慷慨負膽略，好談兵，以邊才自許。歷官兵部主事，監關外軍，內撫軍民，外飭邊備，勞績大著。清兵攻寧遠，崇煥激士死守，卒以解圍。崇禎初，以兵部尚書，督師遼薊，會清兵越薊州而西，崇煥急引兵入護京師，朝士誣其引敵脅和，下詔獄，磔於市，天下冤之。自崇煥死，邊事益無人，明卒以亡。

南還別陳翼所總戎

慷慨同仇①日，間關百戰時。功高明主眷，心苦後人知。麋鹿還山便，麒麟繪閣宜。去留都莫訝，②秋草正離離。

①同仇，謂同其仇敵也。②三句似因魏闈中梗，罷遼東巡撫時所作。

鄭 琰

琰，字翰卿，明閩人，有二陔詩稿。

汪懋忠七十從軍之燕

千金紫馬百金裝，白首窮邊烈士腸。一雁正來君又去，二毛①雖短劍還長。燕臺馬死崩寒日，②易水魂歸哭夕陽。③筋力尙堪三日戰，牙旗秋捲塞雲黃。

①二毛，謂老人髮斑白有二色也。

②句用燕王購駿骨事。

③句用荆軻刺秦王歌易水事。

孫承宗

承宗，字稚繩，明高陽人。萬歷進士，沈毅有智略，尤曉暢邊事，累官兵部尚書，後督師遼薊，修復城堡，練兵屯田，邊防頗固，閣黨讒之，乞歸。清兵攻高陽，承宗率家人拒守，城破，投繯死。有高陽集。

謁太常楊椒山①祠

楊公負奇穎，舞象②成奇調。孝友自天植，義烈為譚笑。兩疏③志竟酬，一泓血未耗。代隔名逾尊，祚薄神復耀。我來採芳芷，灑血一憑弔。

①楊繼盛，字仲芳，號椒山，明容城人。嘉靖進士，歷兵部侍郎，俺答入寇，仇鸞欲開馬市議和，繼盛極陳其不可，貶狄道典史。已而俺答敗約，鸞誅，帝思其言，遷刑部郎。時嚴嵩用事，恨鸞陵已，心善繼盛，欲驟貴之，改兵部武選司。而繼盛惡嵩甚于鸞，劾其十大罪，嵩構之，下獄，杖之百，創甚，坐繫三載，竟棄西市，臨刑賦詩，天下傳誦。②舞象，象，武舞也。禮，十五成童舞象。句謂童時有異稟。③兩疏，當指論馬市及劾嚴嵩二疏。

朱繼祚

繼祚，字立望，明莆田人。萬歷進士，歷官禮部，入東閣。後舉兵應魯王，守興化，城破死之。

絕命詞

嗟予生兮不辰，逢慘禍兮撓身。乾坤崩隕兮，陸海爲塵。日星掩曜兮，萬象沈淪。人孰無死兮，鴻毛泰嶽；^①惟其所處兮，殤延彭促。^②旦夕畢命兮，去將安之！夫妻子母兮，不得相依。上告蒼天兮，鑒此微詞。雖爲螿粉兮，甘之如飴。千秋萬古兮，誰其予知！與化^③俱徂兮，於戲噫嘻？

①句謂死有重於泰山，或有輕於鴻毛。②殤子短折，彭祖高壽。句謂死如得所，殤子可謂延年，不

然雖彭壽亦短促耳。③化，猶陶潛歸去來辭乘化之化。

孫士美

士美，字公粲，明松江華亭人。天啓辛酉舉人，知深州事。崇禎戊寅十一月州城被圍，力盡死於官，一門殉難者十有三人。

守城作

鐵騎繞孤城，烽烟勢未平。君親本至性，南北總關情。地下難熏鼠，^①原頭絕救兵。
一作此日魚書急，何時鶴唳清。寄言青史筆，莫載罪臣名。

①句用張巡守睢陽食盡掘鼠事。

袁繼咸

繼咸，字臨侯，（一作字季通。）明宜春人。天啓進士，累官兵部侍郎，總督九江軍務，以忠義結左良玉心。及夢庚降，繼咸為清兵所執，不屈死。有六柳堂遺集。

靜志居詩話：袁侍郎軍中自銘曰：「死事也易，成事也難。為嬰勿克，為白維艱。張死匪先，許死匪後。臣心匪他，靖獻我后。嗚呼！父母有過則諫，諫而不從，則號泣旻天，撻之不怨。晉陽之甲，豈可訓哉。」既被獲，抵大勝關，清將傳語，袁總督著隨行，與以大官做，又自銘曰：「大官好做，大節難移。成仁取義，前訓是師。文山袁山，仰止庶幾。」袁山，侍郎自號也。

讀謝皋羽西臺慟哭記①

南方有朱鳥，②飛中虞人弦。飼以金精粒，對之不下咽。粒味豈不旨，不如南土泉。黃冠③志弗遂，碧血流濺濺。有客感意氣，慟哭西臺巔。擊碎鐵如意，悲響震嚴川。④歸舟不成寐，髣髴語燈前。嗟彼積翁⑤羅，我非雀與鳶。夢炎何足刺，知己殊未然。周粟不可茹，箕疇⑥曾未傳。生死良非苟，忠孝各自全。謝子幽明契，聊以祕懷

宜言罷倏不見用明高在天

①謝翽，字臯羽，見前謝翽仕履。翽晚登子陵西臺，以竹如意擊石，弔文信國，有登西臺慟哭記。②

朱鳥，南方之宿，以喻文信國。虞人，掌山澤之官。數句謂文山被執。③黃冠見前注。二句謂積翁為

請釋為黃冠不遂，卒不屈被殺。④嚴川謂嚴陵之川，即桐江也。⑤積翁謂王積翁，夢炎謂留夢

炎，俱見前注。⑥箕疇，謂周武克殷，箕子朝周，陳洪範九疇。

雪日

雪片大如掌，忍饑不可齧。愧無子卿①，甑敢墜漢臣節。鑽牖瞰扶桑，晨曦未全滅。

花發領南枝，羅浮②夢空結。

①子卿謂蘇武，見前注。②羅浮，山名，在廣東，詳前注。

左懋第

懋第，字仲及，（一云字蘿石。）明萊陽人。崇禎進士，官至兵部侍郎。清兵破李自成，懋第使清議和，被留，南京破，死之。有梅花詩草。

靜志居詩話：左公將北行，遺書姜給事採，大略謂國遭大故，二東未聞有斷頭穴胸以報故君者，彼鄒魯仁義之稱安在？懋第北行，是懋第死日也。既入燕，卒以閏月十九日死于市。

客燕

鼎髯①攀無及，親闈并莫依。豈堪哀子淚，時落客臣衣。陵樹夢猶見，家山魂亦稀。人間忠孝事，意與鶴同歸。

①鼎髯，即鼎湖龍髯，黃帝事，詳見前注。

臨刑絕命詞

三岡識略：左公懋第，奉使議和，不屈死，臨刑詩云云。被難時，忽風沙四起，捲市柵於雲際，一時爲之

罷市。

漠漠黃沙少雁過，片雲南下意如何！丹衷碧血消難盡，蕩作寒烟總不磨。

祁彪佳

彪佳，字幼文，明山陰人。天啓進士，官至御史。南都失守，自投池中死。

臨難題案

圖功爲其難，潔身爲其易。吾爲其易者，聊存潔身志。含笑入九泉，浩氣留天地！

吳應箕

應箕，字次尾，明貴池人。崇禎副榜，唐王立，授池州推官，監紀軍事，兵敗被執，不屈死。有樓山堂集。

朱竹垞云：「先生羅九經二十一史於胸中，洞悉古今興亡順逆之迹。當崇禎中，預慮燕都之必不能守，聞者皆笑其迂。而先生持論侃侃，不阿也。名雖不登朝籍，而人材之邪正，國事之得失，瞭如指掌。分宜張爾公稱先生人文似陳同甫，是誠知言。聞先生授命處，血迹至今猶存，洗之不去。葛弘嵇紹而後，不多得也。」

閒看

閒看處堂①喜，真稱舉國狂。人猶殺李范，②運不及齊梁。③寂寞臨春閣，④悲涼石子岡。⑤只餘諸葛恨，⑥頸血濺淮揚。史公道鄰

①處堂謂燕雀處堂，喻安居而忘禍也。②李范謂李膺范滂，喻明南都株殺黨人。（時殺周仲馭，

及雷介公。）③齊梁句，謂國祚促短，尙不及齊梁。④臨春閣，陳後主造，在南京，以喻福王好興

土木，轉瞬國亡。⑤石子岡，在今南京，諸葛恪死處。⑥末二句謂史可法之死揚州。

黃道周

道周，字幼玄，一字螭若，明漳州人。天啓進士，授編修。福王時，官禮部尙書，唐王時，改吏部尙書，督師被執，死於市，有漳浦集。

過新嶺①

自靖錄：黃道周過新嶺賦絕句云云。自注云，新嶺上弔金正希，死時有江天一諸賢從之，足爲吐氣。殘棋唾手已難工，又是論人成敗中。但說丹心何所用，一時張眼念臧洪。②

①此弔正希詩，正希，金聲字，休寧人。福王時以兵部侍郎督師，清兵下江南，被執不屈死。②臧洪，字子源，漢射陽人。中平末，太守張超請爲功曹，時董卓圖危社稷，洪說超誅卓爲天下倡，超然其言。後袁紹以洪領青州刺史，任事二年，紹憚其能，徙爲東郡太守。曹操圍張超於雍丘，甚急，洪徒跣號泣，從紹請兵，紹不許，超遂族滅，洪由是怨紹，絕不與通。紹興兵圍洪，城陷被執，死之。

金鉉

鉉，字伯玉，明武進人。崇禎戊辰進士，選揚州府學教授，入爲國子監博士，升工部主事，尋改兵部，甲申殉國難。

拜文信國祠下

復姤①自天運，臣道無終窮。殉節士所恆，寧足矜子功？偉哉一文士，毅然任卽戎。棘行若履坦，所在吟淒風。一息苟可奮，安忍卽瘖聾。九死固所甘，但惜炎運終。②堪嗟生祭者，③不足語微衷。

①復、垢，卦名。謂地雷復，天風垢。一則一陽初生，一則一陰初生。喻互爲消長也。②炎運終，謂宋亡也。③宋末王炎午，有生祭文丞相文。

賀王盛

盛，字周兼，號無黨，明丹陽人。崇禎進士，官兵部主事。永歷帝以少司馬召，事發死難。

絕命詞

曲阿詩綜：無黨運際鼎革，雄才大略，概不得施。其詩多激昂感慨，純作繞梁之音，而風骨稜峭，有古遺直風。唐人中蓋得孟東野之潔者，自題絕命詞云云。時同殉者凡十人。

悲歌慷慨說天祥，情氣凌虛返帝鄉。從此十人離紫禁，相隨地下拜高昌。①

①高昌，不詳。

徐 汧

汧，字九一，明長洲人。崇禎進士，官至侍讀學士。及清兵克蘇州，薙髮令下，投水死。

三月十九日①

珍饌精醪賜講筵，每逢令節主恩偏。十章書未陳金鑑②，九逝魂猶戀細旃。社稷風雲誰奏曲，園陵霜露已經年。龍髯回憶橋山遠③，玉匣珠襦④不忍傳。

①崇禎十七年，三月十九日，李自成陷北京，崇禎帝自縊於煤山。②句用張曲江陳千秋金鑑錄

以諷明皇事。③句用黃帝故事，詳見前注。④玉匣珠襦，古帝后之殮。

張錫眉

錫眉，字介茲，號次崖，明上海人，嘉定籍。舉崇禎庚午鄉試，遂家於膠。乙酉秋城破，嚙指書絕命詞自縊，妾何氏抱幼女赴水以殉國。

絕命詞

託命不辰，僑居茲里。倚絕宗親，路隔同氣。①與城存亡，死亦爲義。舉家殉之，惜非其地。後之君子，不我遐棄。

①同氣，謂兄弟也。

陳良謨

良謨，初名天工，字賓日，明鄞縣人。崇禎辛未進士，授大理府推官，擢四川道御史，巡按四川，十六年還臺，京師陷，賦絕命詩自縊。

絕命詩

中天懸日月，四海所畢照。倏爾陰霧昏，日月失常道。仰觀我明明，薄蝕一時變，書此，忽颺風襲牖，曰：『異哉此風。』隨續云。電風自南來，光復天心見。大夫百執事，其誰忘明君；愧予沉疴久，牀第^①淹數旬。背城孰盡瘁，巷戰杳無聲。如何社稷靈，憊爾順民形！載舟亦覆舟，古今同一轍。順民卽逆民，參觀非一日。蒼蒼不可問，亡國我何存。誓守不二心，一死報君恩。

①牀第，謂牀席也。

陳函輝

函輝，初名煒，字木椒，改名後字木叔，又號寒山，明臨海人。崇禎進士，除靖江令，福王立，起兵部主事，魯王監國，進兵部侍郎，兼侍讀學士，江上師潰，入天台雲峯寺自縊死。有寒光集。

臨終別親友

廉泉同義魄，萬古在禪林。故國千行淚，孤臣一寸心。深山空有恨，異日或相尋。身後遙爲託，應懷鍾子琴。①

①鍾子期，春秋楚人。伯牙鼓琴，志在高山流水，子期聽而知之。子期死，伯牙鼓琴絕絃，謂世無知音者。

生死真無補，重扶賴有君。先生留正義，後起訂遺文。落日空山哭，驅車去路分。此心如見許，孤劍在孤墳。①

①季札初使，過徐，徐君好季札劍，口弗敢言，季札心知之，爲使上國未獻。比返，徐君已死，乃解劍繫徐君冢樹而去。

絕命詞十錄五

生爲大明之人，死作大明之鬼。笑指白雲深處，蕭然一無所累。父母恩無可報，妻兒面不能親。落日樵夫湖上，應憐故國孤臣。慧業①降生文人，此去不留一字。惟將子孝臣忠，貽與人間同志。

①慧業，佛家語，謂智慧之業用也。

臣年五十有七，回首萬事已畢。徒慙赤手擎天，惟見白虹貫日。①

①荆軻慕燕丹之義，白虹貫日。注：「精誠所感，白虹爲之貫日。」

手著遺文千冊，尙存副在名山。正學①焚書並出，所南心史②難刪。

①正學謂方孝孺，字希直，明寧海人。建文時，爲侍講學士，燕王入南京，令草詔，不從，被殺，孝孺自名其室曰正學，世稱正學先生，死後，禁其書。②鄭所南有心史，見前注。

范景文

景文，字夢章，明吳橋人。萬歷進士，崇禎初，拜兵部尚書，兼東閣大學士，入參機務，京城陷，投井死。有文忠集。

甲申殉難詩

明詩紀事：公有詩云云，蓋不知帝已殉國，猶冀蒙塵南巡也。

孤臣空洒淚，天步①遂如斯。妖蝕二光②暗，心盟九廟③知。翠華迷草路，淮水漲烟澌。故國千年恨，忠魂繞玉墀。

①天步，猶今言國運。 ②二光，日月星也。 ③九廟，天子起九廟。

許直

直，字若魯，明如皋人。崇禎進士，官吏部員外郎，都城陷，自經死。

絕命詞

明詩紀事：都城陷，公北向拜君，南向拜父，秉燭作絕命詞畢，自經死。

擲筆翻然辭世行，老親幼子隔幽明。丹心未雪生前恨，青簡空留死後名。

陳潛夫

潛夫，字辛倩，明仁和人。崇禎丙子舉人，榜名朱明，後更焉。除開封推官，擢監察御史，清兵下江東，率妻妾投水死。

絕筆

父兮生我，申以嚴誨。惟孝惟友，曰忠與義。丙子鄉薦，顧名自勵。名曰孝廉，庶幾無愧。致身之期，歲在癸未。司理開封，星言視事。以身許君，有死無二。是時兩河，賊氛如蝟。衆人迴車，予獨攬轡。賊出河朔，羣工奔避。予乃渡河，擊楫而濟。誓清河南，以報先帝。手披荆榛，身禦魑魅。獨張空拳，以當賊騎。知有封疆，九死何畏。三十州邑，終復舊地。維時先帝，鑒予忠瘁。授以巡方，繡衣北莅。惜也諸姦，互相牽制。中樞信讒，嫉予不媚。聯絡要圖，置之罔遂。三月撤歸，可爲隕涕。哀哀先人，一時捐棄。甘旨莫遂，遺書淪廢。我哀方盈，姦怒轉熾。赫赫金吾，逮予邸第。園牆幽憂，寇氛猝至。匍

匄歸來，挈家奔避。航海飄零，請兵于會。召募丁男，三百而已。衣甲糗糧，皆予自備。血戰江干，二十餘次。糧寡兵微，於事何裨。疾痛呼號，徒然憤恚。丙戌五月，公侯師潰。區區孤軍，其何能濟。事不可爲，偷生何貴。拜別吾母，以及諸弟，挈吾妻妾，從彭咸^①逝。成仁取義，千古如是。

^①彭咸，殷賢臣，諫其君不納，投水死。

夏允彝

允彝，字彝仲，明松江華亭人。崇禎進士，除長樂知縣。福王立，起吏部主事，清兵下南都，自投池水死。

哀侯京兆峒曾①

烈烈侯夫子，負節本奇特。十載罷郎官，抗志衆莫測。西江富文彥，衡鑒饒奇識。三復陟屺詩，②解組倚親側。砂礫揚中天，青霾暗無色。壘壘滎陽城，糾糾墨翟力。③環塹方及泉，子魚④殉社稷。公語兩子⑤前，生死義各得。兩子泣相從，之死矢靡慝。外絕晉衛旅，內竭鼠雀食。⑥重關泣漣洏，屠毀填荆棘。壯哉一門士，九原同羽翼。所惜蘭蕙摧，沈寃成罔極。⑦

①侯峒曾，字豫瞻，明嘉定人。天啓進士，歷吏部郎，出爲廣東參政，遷順天府丞。福王時家居起兵，守鄉里，城陷，赴水死。有內言公集。②陟屺，謂念母也。詩：『陟彼屺兮，瞻望母兮。』③滎陽，地名，在今河南，此喻其故里嘉定。二句謂設城防堅守也。墨翟，戰國宋人。倡兼愛之說，國策載其百舍重繭。

以救宋圍，蓋翟善守城，公輸子不能攻也。④不詳。⑤二子，謂峒曾之第三子元演，第五子元潔，城陷，同投水死。⑥二句謂外絕援兵，內無糧儲也。羅雀掘鼠，張巡守睢陽時事。⑦此當是指其弟岐曾因陳子龍事被執冤死。

黃進士淳耀哀詞

自靖錄：嘉定鄉紳黃淳耀破家結客，同侯峒曾等率縣民守城，城破，大呼曰：『結髮讀書，有年矣，死無以報高皇帝、烈皇帝。』偕弟淵耀至西清涼庵，淳耀埽壁題曰：『宏光元年七月初四日遺臣黃淳耀自裁於西城僧舍。嗚呼，進不能宣力皇朝，退不能潔身草野，讀書寡益，學道無成，耿耿不寐，此心而已。』僧亟止之曰：『公未仕可勿死也。』淳耀曰：『城亡與亡，此儒臣分內事。』同弟自經死。

黃子不偶生，大雅寡諧俗。羽儀①乍高翥，結綬匪所欲。②黃雲暗蒼梧，③北風吹大陸。烽火滿吳關，④下邑⑤勢彌蹙。緬彼二三子，登陴自躑躅。城郢⑥旣已乖，號秦⑦又誰告。處死良獨難，苟生何能淑！吁嗟烈士心，伯仲⑧互相勗。威鳳旣在羅，恥與凡禽逐。未知沒者悲，但知存者辱。存歿兩茫茫，思君不可贖。

①羽儀，易語，以喻賢者爲世表率。

②句言不欲爲官。綬，印綬也。

③蒼梧，見前注。

④謂蘇州。

⑦號秦，用申包胥哭秦庭乞兵故事，謂無可告援也。⑧伯仲謂淳耀與弟淵耀也。

絕命詞

自靖錄：彝仲聞國變，作絕命詞云云。

少承父訓，長荷國恩。盡心報國，誓以忠貞。南都既覆，猶望中興。中興杳然，何忍長存。卓哉吾友，虞求廣成。勿齋容如，子才蘊生。①願言從之，握手九京。人孰無死，不泯此心。修身俟命，欲勵後人。

①此六人當是同時奔走國事死難者。

麻三衡

三衡，字孟璿，明宣城人。貢生，屯師姑山，兵潰被執，死於市。

西山四首錄二

世亂忽如此，國恩誰與倫。徵兵到甌脫，^①揖盜自重闈。^②貧賤懷知己，弓裘^③忘至尊。中宵望北斗，不敢賦招魂。^④

①甌脫，邊境棄地之謂。 ②重闈，猶重閣，謂深宮也。 ③弓裘，猶弓冶，謂父子相繼之事業也，詳前

注。 ④招魂，楚詞篇名，宋玉為屈原作也。

終日如有失，相看何所求。一身隔江海，雙淚滿滄洲。父老疑猶在，東南渙不收。中原多李郭，^①早晚急同讎。^②

①李郭，謂李光弼、郭子儀，詳前注。 ②同仇，見前注。

之九平夏寺

山陽錄孟璿出家財募士旬日得數千人遂起兵於稽亭兵敗被執作詩題所執室中牖上云云

吳越連沙漠，天心不可謀。漫留千丈髮，笑看百年頭。若水①心猶烈，平原②志未酬。清風吹宛句，③朝暮五湖秋。

①若水謂李若水，見前。

②平原謂顏真卿，詳前注。

③宛句二水名，在今安徽宣城東南。

張秉純

秉純，字不二，含山諸生。弘光乙酉，南都破，不食死。

絕命詞

明詩紀事：含山張秉純，弘光乙酉聞變，作絕命詞，不食死。戴敬夫和其詞曰：「先生影未出青山，如此從容一死難。新史不勞高士傳，殘詩留著野人看。嗟峨千載首陽山，欲往從之道路難。鈔得漢書龔勝傳，南風危坐把兒看。賊臣顰笑擲江山，最快陳東罵死難。今日相從游地下，神州沈陸有誰看。」

逢人漫說宋文山，樓上三年坐臥難。我本布衣饑不死，西山無面復相看。

①謂文山在燕獄時。

哇本

本，字允立，號務庵，明丹陽人。明永子，諸生，後永歷以中書召，事發，自題絕命詞云：「父既死忠，子當死孝。千載而下，不愧名教。」與賀王盛同殉節，有務庵集。

與蔣冷生習射談詩醉吟

文章與氣節，此世無復聞。惟有曠懷友，卓然迥出羣。感遇不汲汲，^①憂時共殷殷。
^②語到千秋事，情深各悲欣。學書兼學劍，行矣慎殊勳。

①汲汲，欲速之意。 ②殷殷，憂也。

悼葛蒼公泖湖^①殉難宏光元年

櫂槍^②忽犯斗，禍亂適先後。百六歲丁戾，^③乙酉月在酉。^④蒼公力戰時，泖水已失守。我父^⑤殉初六，我公殉廿九。奔跣扶柩歸，熒熒^⑥方在疚。洒血向旻天，冀公能獲醜。傳公雄水犀，^⑦制勝北湖口。初聞伏巖邑，戎馬地深蹂。復道渡閩關，納約

已自牖。及有寄輓詞，始知前否否。今秋逢韓僧，日擊怒濤吼。血戰落日黃，利劍刃
 自手。慷慨同盧公，^⑧生氣猶赳赳。^⑨我父遇九原，同籍同心友。我愧身未殉，終天
 罪自負。痛憶幼追隨，豪飲兼使酒。志不可一世，心一無所苟。落落狂與貧，江上期
 不朽。我今嚴父死，哀號載稽首。痛公復痛父，哀衷莫能剖。百痛既荒迷，招些望喪
 輓。^⑩英烈來雲中，大節招九有。

①葛蒼公，謂葛麟，見後葛麟仕履。泖湖，即泖水，在今松江。 ②機槍，彗星也。斗，謂斗星。 ③古稱百

六陽九為厄運。 ④乙酉，謂宏光元年酉月，八月也。 ⑤本父，名明永，字嵩年，崇禎舉人，除華亭教

諭，城破被執，不屈死。 ⑥煢煢，憂思也。 ⑦水犀，見國語：『今夫差衣水犀之甲者，億有三千。』

⑧盧公，謂盧象觀。 ⑨赳赳，武貌，果毅貌。 ⑩輓，同輓，音柳，喪車也。